



94234

古月軒文存卷上

東岸村圖記

大山祖山名橫峙於巽隅玉屏為左股稍折而南林巒起伏

踰煙墩山乃脫落平原由是迤邐西行至東岸豁然開朗

而汪氏之村居以立平疇如砥繡壤相錯際春夏之交桑

柘垂陰一碧千頃外山環抱隱然如城郭其間約可容萬

竈而汪氏始遷祖浩潮公由星潭卜吉故宅直據其中央

宅後地形墳起潮公兆域即於是乎在東望則先世文諒

公祖塋一脈聯屬相距不過數百步村有小溪環繞舊宅

古月軒文存

卷上

一

之背波流洋溢溝洫交通故其田皆稱上腴溪北則汪氏

家廟近枕山麓左右兩宅悉公裔循山而下半里許則有

公建文昌閣俾後進讀書於其中旁附以越國公世室以

寄追遠之思不忘本也宅面拱南山層巒聳翠儼似列屏

稍西則龍首山蜿蜒奔赴又西而筆架三峯卓立天際其

下為蘭石坑晉征西俞將軍故墓猶存再下即星潭矣徽

水自旌邑而來過折溪環帶于宅前一統志所謂北徑龍

首者是至村口與小溪合萬派競注匯為白湖岸北則一

峯特出當衝而立峭壁千尋奇踪萬狀即紫山也故其水

亦沿山旋繞澗洞屈曲乃由星潭而去憶當良夜攜朋過



紫峯庵訪隱仙洞小憇於釣魚臺上明月當頭清風滿袖
潛鱗欲起微波有聲而漁火星星掩映白沙洲畔覺摩詰
輞川宛然在目大抵天壤秀靈之區一經高人逸士託跡
于中則釣游所及山林亦爲生色故人有足重是地者人
傳而地與俱傳抑又聞汪氏固義門之後也浙米之池傳
餐之鼓見義門譜其遺跡猶有在焉者乎今子姓振振誠能無
忘祖訓恪守家風興仁講讓雍容一門則斯村也行將與
五代李氏之孝義鄉和順里並垂不朽又豈徒流連風物
藉足以寄騷人之景慕云爾哉茲值汪氏家乘將葺局
內諸君繪圖屬記爰攬其大略著之于篇

古月軒文存

卷上

二

汪節母劉太孺人傳

坤道無成而有終終之卽所以成之匪躬之義苦節之貞
悉統諸此國家景運方隆羣僚咸優游以樂太平一旦不
幸而變出非常主少國疑則必有社稷之臣從容坐鎮委
曲周全要以期於有濟庶幾危安而亡存視彼慷慨捐軀
肝腦塗地而不悔其存心則一而事之保全大小迥不侔
矣妻之於夫猶臣之於君也坤之文言臣道與妻道並例
則當艱鉅交投而通權定變俾延一綫之傳以克底有成
者其所關亦豈淺鮮哉東岸始祖浩潮公配劉太孺人明
侍御公伯大之妹也性明潔少嫺詩禮卓然知大義年及

古月軒文存

卷上

三

笄歸公家素榮盛而躬親井臼習操作雅有桓少君之風
公先世由旌德遷星潭歷年旣久族益繁居隘不能容距
星潭五里許爲東岸遠祖文諒公遺兆存焉其地土厚水
深較舊居爲饒衍議遷之孺人力贊以行其規模固已宏
遠矣越數載公嬰羸疾日益篤孺人奉侍湯藥數月不解
帶中夜焚香虔禱祈以身代而公卒不起公彌留之際執
手謂孺人曰我死汝必不欲獨生雖然家貧三子幼一髮
千鈞惟汝身是寄汝明決人也毋輕生狗溝瀆之節勉體
子志力圖其大且遠者則予目瞑矣孺人乃吞聲咽淚首
肯者再慨然曰是固予之責也當是時地新遷田園廬井

凡百待理拊搯殊不易而回顧膝下長者不過八九齡幼者猶在襁褓中耳而孺人內撫諸孤恩勤育子以母而兼師外持門戶勤儉成家似因而實創蓋其遭遇爲獨難而其擔荷亦綦重哉孺人自青年矢志其間竭力經營備嘗艱苦者垂數十餘年迄今衡宇相望阡陌交通富庶甲一鄉其才且能者登賢書隸仕版代不乏人而庠序盈門尤覺指不勝僂孰非孺人穀詒孫子俾食報於無窮歟予故列其大端以符合於無成有終之義而其餘概從略焉并以勗世之爲人臣而不幸於其終者尤當鎮以從容全以委曲必終歸於有濟而後已慎毋執硜硜之義徒以一死

古月軒文存

卷上

四

塞乃責也

贊曰人當變故迭膺之會慘怛之情堅貞之性觸焉而卽發而身後概置不問往往然也孺人激烈不形隱忍以求濟事內外一身恩義兼盡其識力抑何定歟設使孺人奮一往無前之概矢死而靡他豈不足以綱維名教然而六尺之孤何託百年之計無存九原有知或亦不無隱恨此中輕重相懸顧不遠哉我又聞侍御公正色立朝彈劾不避權貴巡行江右激揚不遺餘力大節昭昭常在人耳目間孺人與之同母則夙承庭訓克振家聲其淵源正非無

自矣

汪昆池公傳贊

東岸汪氏予先世之外家也九世祖旗峯公配爲汪氏族譜隸東岸而汪氏譜則失載詢諸故老亦無有能誌之者蓋世遠年遙其湮沒而失傳者比比矣至我高高祖鄉賢公配汪太夫人則參之紀載世系昭然知爲郡廩生昆池公會孫女戚屬往往爲予言其裔孫名東海者亦頗能舉其大略夫乃歎世德清芬不獨庇蔭其子孫其波及於我族而颺綿椒衍者之流澤孔長也茲值家牒成宜有傳東海以請乃摭拾其遺聞以示梗概惜語焉不能詳耳公諱起鯤一名再昆池其字也少穎異勤苦力學稍長補郡庠古月軒文存

卷上

五

雖運會亦稍替矣爲人子孫果能規矩高曾不墜其家風則先澤猶留其食報應未有艾也東海勉之哉
贊曰士有特立獨行遺佚以終其身而國史不登行誼一無所攷而後之人卽其釣游所及臨風寄慨仰慕於無窮何則其感召有真也昆池公軼事雖不多著而傳聞一二已可想見其爲人又况爲我氏族鍾毓所從來曷敢數典而忘諸迄今過其故里覺流風餘韻猶輝映於田園桑柘之間輒低徊不能去云

環濟堂記

今使疾痛摧殘呻吟而巳過其旁者有不愀然而思所以生之乎無有也又或孤苦癯獨顛連而無告介其側者有不怒焉而思所以拯之乎無有也惻隱之心人皆有之行路且然而矧屬同氣以我祖宗之身遞推遞遠散而爲千百人相遇焉則途人矣一追溯之而此途人者非伯叔卽昆弟也則千百人之身實一人之身也一任其疾痛顛連而莫爲之所自問將何以爲心更何以慰祖宗時恫時怨之心古者任郵賙救之道載於周官韞匱有賑廢疾有養其法綦詳然猶舉鄰里而統言之其專屬宗黨者莫備古月軒文存

卷上

七

於范文正公之義莊後世名門右族其賢者每踵而行之雖廣狹殊科豐嗇異數而敬宗收族之意則一東岸汪氏自始祖

潮公遷居歷十有二代戶口益繁卽興替各異其間不幸而淪於四民者嘆音瘖口將何以濟乃於嘉慶庚午歲協眾議各量力輸貲並田畝若干綜計約三千餘金酌立程式以垂永久而顏其堂曰環濟本族登仕佐郎寄齋公曾有引述其事茲值新牒成而復屬記於予予按環之爲義遠矣禮經行則有環佩之聲鄭注謂環取其無窮斯舉也揆諸仁人君子之心亦與爲無窮而已大抵古今之良法

美意不難於創始而難於持終無論平準青苗便民適以病民卽如常平廣濟義倉社倉諸盛舉立制豈不甚善其究也或轉爲軍國之需移用而無可給散或假諸胥吏之手藉端而潛肆侵漁積久蠹生其法亦不能無弊至於族黨之間耳目較近糾察宜易爲力而文正公立莊始皇祐二年泊治平元年忠宣公請於朝已云諸房子弟有不遵規矩之人漸見廢壞蓋實力奉行如斯之難也總之有治人無治法專利者自私徇情者必濫迨支絀旣形而前人遺規泯焉殆盡是豈創始者之咎哉誠能監成憲懷永圖興利除弊俾綿綿延延保世益滋庶循環接濟以推暨于古月軒文存

卷上

無窮抑又聞環旋也謂周迴也倘由此擴而充之附而益之則施者不虞其竭受者彌見其周且烏知今日之受者非卽異日之施者乎痼瘕在抱推己及人是亦迴環相濟之義也爰闡其意而爲之記

客有詰於予者曰一事也而爭者兩人其爭而是者子之鄉鄰也其爭而非者子之兄弟也將誰從曰從鄉鄰理歸一是不以私害公也又或進而詰之曰是者鄉鄰或因是而凌我兄弟不留餘地焉非者兄弟或因是而見凌於鄉鄰莫能自脫焉則又將誰從曰從兄弟兄弟而既非矣亦將狗而從之乎曰是不然彼既幸託爲鄉鄰矣則相友相助者已非一日或含忍而蓋覆之且委曲而成全之鄉鄰之義也今乃凌我兄弟而不留餘地使之幾莫能自脫鄉鄰之義絕矣而我之兄弟其所以見凌於鄉人者又不過

古月軒文存

卷上

九

財物交際盈虧計較之纖情初非罪大惡極之必不容赦者也而聽其自成自敗焉烏乎忍且兄弟也者我之手足也父母之分體也人生不可多得者也而任人爲之蹴踐爲之摧殘是自戕其身也是不復有其父母也非人道也則我之垂涕而道被髮而救者凡以爲兄弟也我祇知有我兄弟而已他何論焉曰然則周公何以辟管叔周公弟也管叔兄也弟雖齊聖安得取其兄而辟之曰是又不可一例論也當日者三叔流言將不利於王室是得罪宗廟也是得罪社稷也是先王先公之罪人也故以父母臨之則兄弟親矣以祖宗臨之則均在子孫之列耳以子孫而

危及宗祖此天地鬼神之所不能容故辟管叔者周公而左右默相之者則先王先公實式憑之者也不然周公達孝人也惟孝則友何得自殘其手足吾觀文昭武穆凡屬兄弟之國不惜裂土地而封之分寶玉而賜之者其敦厚親睦之意有加無已固如是其懇至也然則周公之心亦大可見矣且不獨周公也有前乎周公而可類推者大舜是也舜爲天子皐陶爲士瞽瞍殺人斯亦極難處之事矣而孟子則曰竊負而逃遵海濱而處終身訥然樂而忘天下斷不以天子之貴天下之富而以易吾親至於象之傲也方日以殺舜爲事凡蓋井焚廩有可以禍舜者無所不

古月軒文存

卷上

十

至及其爲天子也不惟不放棄之且從而封建之若忘其曾欲殺已也者由斯以觀兩聖人之居心行事其於父子兄弟間可謂極天倫之摯得人心之安而毫無遺憾已此雖當無可奈何之時出萬不獲已之計而聖人之曲意矜憐苦心調護者要自有方又况事不關宗社之安危禍不及井廩之焚蓋徒以財物交際盈虧計較之纖情而欲據公而忘私之義以刻待其兄弟而輕棄其骨肉豈不悖哉豈不悖哉議者不察或以周旋兄弟之故竊異之隱諷之若不足以副鄉人之望饜鄉人之心則是大義必極之滅親直躬亦不妨證父此惟忍於骨肉者能之而子不忍也

兄弟而樂則吾與之俱樂兄弟而憂則吾與之俱憂兄弟而顛沛流離迷惑紛亂則吾亦不得不曲意矜憐苦心調護雖致物議之沸騰不問也此予之褊衷不欲求白於世者也故語有之曰君子不立異以鳴高不矯情以干譽

古月軒文存

卷上

上



春曲對韻亦文曰君子不立異以鳴高不欲靜以干譽
豈振好惡為之也哉不問也此予之褊衷不欲求白於世
而顛沛流離迷惑紛亂則吾亦不得不曲意矜憐苦心調
護雖致物議之沸騰不問也此予之褊衷不欲求白於世

覆鳴臯先生書

雲巢先生閣下自故鄉離亂舊雨分飛不親言笑者歲幾一週矣去秋聞籃輿近駐獅江每于過客來往詢及起居藉悉旅祉休嘉眠食均鬯曷勝愀悞先生吾鄉耆宿當今之魯靈光也乾坤百六故老彫零殆盡而歸然獨存者惟先生一人所謂當時不覺過時而輒思之矣猶憶蘭坡叔祖優游林下之年一時相從者半多蒼顏華髮我輩奉侍杖履追隨于崑峯旗麓之旁石上題詩林間煮酒此樂何極曾幾何時詎意星流雲散天各一方遂致有今日耶月初從屏周小阮處遞到先生手書并近箸一冊捧讀之下

古月軒文存

卷上

三

盡焉心傷同病相憐殊途一致循環往復輒不禁熱淚之縱橫也我輩生逢不幸值此滄桑變幻之秋旣不能燭之先幾而擇地高蹈復不能濟之臨時而舉家遠遁黃金垂盡赤手難爭致使老婦穉孫沈綿委蛻于異鄉孤館之中而一門同氣摧殘者亦復不少每一念及肝腸寸斷或云我鄉遭劫實由風俗繁華人心涼薄所致理固宜然第我輩半生貧賤斷齋畫粥舉家甘之暴殄之虞庶幾可免而秉性庸愚又不敢妄與公事自顧不暇豈復有濟惡之才前生固不可知今生則旣知之矣而崑岡一炬同罹斯慘彼蒼者天謂之何哉孤燈旅舍觸緒紛來命筆成篇長歌

當泣是淚是血忽不自知爲拙爲工聽之而已雖噍殺之音無當大雅而寸心所結迫不及持知我者哀其志悲其遇焉可也檢付兒輩抄錄成幅敬呈左右幸先生垂覽而惠教之此地同館故人相聚最多爲咏西堂所述夷齊薇蕨之謠不禁破涕爲笑菊泉筠帆諸君居近咫尺晨夕過從藉攄積悃風鶴之警亦所時有現聞鮑軍門已駐饒郡樂平股匪竄退婺源鎮上亦節次可清惟臨江瑞州一帶尙有餘孽盤踞逃難來省者傳聞不一我輩已避地千里之外而驚悸仍復不免滔滔皆是不知何處是桃源也露華久已抵河于風塵闐闐之中能得師弟談心亦一快事

古月軒文存

卷上

三

夏令初新諸惟自玉不宣

嘉禮堂重整條約記

將于名都鉅鎮通閩帶閩之場舉故鄉之里黨親朋及凡我族類之散而無紀者而思所以萃之則必有萃之之所而其情始聯而其志始固此郡縣會館之設所以訖乎天下而無遠弗屆也慶弔相通患難相卹無事則歲時伏臘銜杯道故足以達桑梓之情有事則諏謀詢度協力同心足以壯藩籬之志一舉而數善備焉然而創始者實繁克終者蓋寡其故何哉意挾私而生爭法積疲而成翫人情類然不整飭而更張之其何以繼繼承承垂諸久遠而無弊端章固舟車輻輳之區也自國初以來我涇東懋遷

古月軒文存

卷上

十四

于此者會垣內外計不下百餘家曩設立五姓會館姓各有堂堂各有業而宗統于嘉禮堂分之則五合之則一也先輩章程至詳且盡資產一一有簿據年有司歲有會出入有常經讀書通顯者過此則有餽贈之儀流寓失業者還鄉則有依助之費又于出順化門五里許置同仁堂義塚一所殯有厝葬有壙春秋展視有成例規模具備行之已踰百年外生者既有所託死者亦得所歸其裨益我鄉人者所關匪細然則茲堂之設其由來遠矣歲在癸甲之間此地迭遭風鶴人民四散我館遂爲營伍健兒所鳩居人喧于庭馬騰于室廬舍器用無完者後雖以次旋定而

人心離渙自計不遑以致公業日弛識者病焉夫天下事
卽一無憑藉而特立之士猶將倡率而行之今縱不能開
擴前人之規模而成憲是遵俾有基而勿壞亦後起者之
責也至于時有升降義有沿革或循其故而整齊之或啟
其新而變通之因事制宜又非可膠柱求也爰集同人各
抒所見蠲除其積弊而力復其舊章斯前人成勞藉茲不
墜庶不失有舉莫廢之義則一鄉之人實嘉賴之若夫公
而無私勤而不惰蒸蒸日上并能舉前人所有志未逮而
恢擴其規模是又在于善繼善述者予于鄉人士有厚望
焉是爲記

古月軒文存

卷上

七

旋復堂勸捐啟文

蓋聞惻隱爲懷盡人同具矧當此乾坤凋瘵之秋恫瘝在抱卽物而呈况其爲桑梓周旋之地吾鄉自庚申遭亂以來迄今已歷有三載其間殺戮之慘擄掠之空剔谷搜巖窮凶極惡較以倭寇之蹂躪兩浙獻逆之屠毒二巴無以過之殆有甚焉流亡載道骨肉分飛餓殍盈途溝壑併命烽火連雲白晝而人聲絕響屍骸蔽莽黃昏則鬼哭時聞天胡此酷民獨何辜甚至戶盡黃巾狐假威而肆害野無青草獸相率以食人億萬家掃地都休嬰孩亦盡數百里炊煙悉斷鷄犬無存此固仁人君子聞之而傷心念之而古月軒文存

卷上

六

零涕者也我等旅居江右誼切鄉鄰雖爲漏網之魚同是驚弓之鳥釋地而趨幸賴神明之默佑推恩是急當思痛癢之相關于斯哭于斯歌託根有自由已饑由已溺觸目皆驚又况先人之敝廬于是乎在祖宗之邱墓于是乎存數處茅檐久已飄搖夫風雨一盂麥飯終思拜奠于春秋狐必正邱獮先報本物猶如此人孰無情敢謂鷓鴣之有託遂同秦越之無聞也歟茲于月初適接到各省諸鄉台信札俱已捐有成數待賑遺黎川省則四竿有餘湖南則二竿有餘閩省亦二竿有餘湖北正在商辦諒亦綽有可觀是知救災卹患異地同情無爲而爲不謀而合爰集同

復武陵諸同鄉書

夏初承賜華翰並啟文一則領悉壹是貴鎮垂念故鄉之難預思補拯之方急公好義踴躍捐輸下至手藝肩販之徒亦復傾囊恐後聞風起慕愧佩交并至于折變公業以充經費此舉甚創而其識自超置產原以安人無人何須置產且果時平業復廢者皆可重興權輕重之數酌緩急之宜以濟彼存亡生死之關頭非大慈悲與大智慧人不能有此變通作如此轉運古人毀家抒難亦是此意惻隱存心飢溺由己以此倡率誰不樂從微處當即將原啟公同傳閱無不咸稱義舉現已約眾妥商幸議論無甚齟

古月軒文存

卷上

六

齟卽間有一二亦無害于大局略需時日定當有以報命原議所云省坵壠瘞屍骸助耕種籌賑卹四者已得大綱但賑卹之中尙宜審慎而出之無縱惡無養奸大抵吾鄉之患始困於賊繼困於兵繼又困於勇甚至下賤不堪之輩藉團勇以爲名搜括窮黎奸占婦女無所不爲又有邊村悍婦以人爲糧謀命掘尸肆行無忌凡若此類忍于豺狼此固天理所不容人心所共憤者也設不嚴加懲辦一概從而議卹之將時危方藉端以肆害旣大張吞噬之凶時平反匿跡以邀恩益足壯奸邪之膽是解推之惠欲以安良而膏澤之施適以濟惡揆之于理則大悖問之于心

則難甘諸君子有身司其役者尚其以旌別淑慝爲第一
要義此芻蕘一得之獻諒亦有心人所嘗計及者幸垂鑒
而備籌之

古月軒文存

卷上

十九



古月軒

古月軒文存卷上

古月軒文存卷上

復季真社友書

季真社友足下丁巳一別天各異方渭樹江雲時縈懷抱
舊歲聞足下移駐漢臯曾於瑞臣弟函中附筆奉候不知
面晤時已替爲道及否嗣後屢欲脩箋備申衷曲奈自閱
滄桑之變心灰意冷人懶于雲每一舉筆覺愁緒茫茫百
端交集竟不知從何說起故作而復輟者久之相逢雁足
承賜魚書并近箸一帙盥讀之餘如親故人聲歎何快如
之足下之詩若文於簡潔之中近復加以雄渾波瀾老成
無懈可擊殆所謂因窮而工與年俱進者歟佩服佩服應
城雖小較近宜昌親朋消息往還甚便兼之此地鹽課足

古月軒文存

卷上

三

下素經承辦輕車熟路展布諒易爲力前遇小警聞今盡
已復業想足下已蒞事如初矣故鄉慘遭荼毒幾于鏟地
殆盡其全家獲免者五房內屈指不過二三而我等貧賤
之族無力遷徙罹禍尤酷臨風長慟夫復何言然當此紅
羊浩劫能得虎口餘生瓦全異地不可謂非彼蒼格外之
垂恩卽如叔祖宮贊公裔下除廉甫伯哀年難保外謝砌
芝蘭大都無恙更可喜者昨接瑞臣來札知如圭弟現已
脫身到漢絕處逢生尤屬莫大幸事當無可奈何之會聊
藉此以作寬解之詞土偶桃人旣相悲還相慰也僕自庚
申西上承虞廷大弟延課子姪授餐適館禮遇頗隆兒輩

眷屬寄居聘三叔宅後幸各物適但自拙荆萎謝內政全
無主持時形牴牾益令人興故劍之思而家兄笏山公一
脈現與僕相依者僅存旒成姪之婦子二人撫此遺孤肝
腸欲斷統計遭亂以來困苦萬狀固有非尺書寸楮所能
備極形容者茲特將辛酉所復雲巢先生書及西江寓草
節錄一冊附呈左右其間骨肉之離合友朋之聚散閱之
亦可得大凡矣嗟夫足下生逢不辰遠近一致同病相憐
能無痛哉平生素契落落晨星而大半又散如參商無從
把袂關河滿目每不勝天末懷人之感向寓此地者菊泉
叔已歸道山景韓久抱痿痺之症近始略痊巖泉欲歸不

古月軒文存

卷上

三

得寄孥旅館漸形竭蹶采芝自羊城初返現亦別無生計
嗷嗷八口度日爲艱露華仍寓河鎮光景略可蘋洲回鄉
省墓刻尙未返愿舉浮踪欲求如曩時松培兩館煮酒論
詩流連道故烏可復得而足下所常聚晤者同社內亦祇
瑞臣一人觀來書所云吾儕流寓他鄉恐此生未必能作
歸計三復斯言不禁淚涔涔下也大兒驪成居此無事夏
間赴皖省敬敷書院考課旋承洪琴西兄荐往蕪邑劉彤
階大令之幕脩金無幾較勝賦閒但現聞甯太之間賊氛
漸近株守固無所營生而偶得棲止之地一聞風鶴又未
免千里懸心當此時勢真覺出處都難也東南軍情上年

較勝夏秋間官兵染疫者多賊勢復熾涇旌近有復至之
說尙無的音右省安謐如常惟江浙未靖籓籬終覺不固
時厓杞憂泐此佈復不宣

古月軒文存

卷上

三

百花洲惜字塔舍記

農之有粟菽也女之有布帛也百工商賈之有器用財賄也則必愛之護之珍之惜之積累而藏之省嗇而用之斷不敢絲毫之狼藉廢棄以自干暴殄之災而文字之有功于人也亦然自帝羲臣頡祗洩苞符書契之用遂達乎今古無人而弗事無時而弗需無地而弗屆此亦如農女之粟菽布帛工賈之器用財賄也而或者狼藉廢棄悍焉不顧卽不然視人之狼藉廢棄者漠然無所動于中則何異農女工賈不自惜其粟菽布帛器用財賄而棄之泥塗委之草莽也且以視文字之爲用轉不如粟菽布帛器用財

古月軒文存

卷上

三

賄之存于農女工賈者猶時厯愛護珍惜之心豈不悖哉新建蕭君輯五偕其同邑友陳君星垣余君芸圃及南昌滕君省吾等共事十人慨然有志于斯而又念力難遍給也爰仿一文願例廣勸捐輸行之五六年搜輯焚燼具有成法俾通衢僻巷片紙隻字不致污辱于泥塗草莽之中而復以所餘貲購精舍一區內供文昌帝君而建塔于庭前以爲輯焚之所舊歲于舍南增築詠霓書屋今又就舍之右闢西院廣植花柳規模于是具備其捐輸姓氏及所購基業有碑有簿據皆可垂諸久遠誠善舉也舍建于百花洲西岸登樓憑眺奄有全湖之勝曉天新霽羣鳧浴波

夕照餘暉，疏簷挂柳，薄暮則燈火樓臺，掩映于雲樹蒼茫之際，而尤于雪月爲宜。每當素魄迎秋，練痕射影，覺萬點珠光盪漾，無定暮冬風雪之中，飛絮漫空，浮煙積暝，隔隄有策蹇而過者，輒引我尋梅壩岸之思。城市中饒有山林景况，臨安明聖湖，秀甲天下，而地在錢塘門外，其在城內者，惟此與濟南大明湖可稱競爽。惜講武亭前紅橋畫檻，半就荒蕪，過之者時形嘆息。茲舍傑然，繼起一時，遂擅勝場。東與明遠樓對，時夜靜鼓吹聲，歷歷可聽。院省兩試士子寓此者，多掇科名，以去殆亦鍾靈之所致歟。吾願都人士攬名勝之區，推創造之意，相與尊經念典，卽斷簡殘編，無敢褻越。庶式廓日增，永承勿替，則斯塔也行將與魯國藏經之宅，汲郡埋書之塚，共垂千秋佳話。夫豈梵宇琳宮，建浮圖以邀冥福者比哉。夫讀書自識字始，諺云力挽五石弓，不如識一丁，誠慨乎其言之。以彼伏獵侍郎弄麀宰相士大夫之貽譏風雅者，無論已。卽如闖闖之間，非字而簿書奚以登，江湖之上，非字而尺素奚以達。此固無人而不需其用者也。世傳陰隲之文，儒者弗尙，第卽身所共賴，與心所難安者，一自返焉，未始不憬然悟而人之不免，狼藉廢棄者，抑獨何歟。予姪蓮舫茂才館于蕭君，因介之以徵記于予。予嘉諸君子用意之勤，爲之廣其說如此。十人

者四君外爲謹麗川鄧薇軒俱新建人戴少秋建昌人萬
樹滋黃竹溪賴西堂俱南昌人

古月軒文存

卷上

五



樹滋黃竹溪賴西堂俱南昌人
戴少秋建昌人萬
樹滋黃竹溪賴西堂俱南昌人

熊恢齋州倅七袞壽序

從來善祝嘏者莫如雅頌而必推原其所由致天保之美
恆升也則曰徧爲爾德南山之咏萊臺也則曰德音不已
受命爾長卷阿歌矣而歸于有孝有德俾壽而臧闕宮頌
矣而本于其德不回他如文王之配命則云脩德下武之
受祜則云世德假樂之保右則云令德篇什所陳不一而
足是豈徒鋪張揚厲極一時頌禱之詞云爾哉謂其有是
德而宜有是福也吾聞洪範之衍五福一曰壽四曰攸好
德可知有大德者必得其壽矣今驗于熊君恢齋州倅而
益信先生南昌之隱君子也世居月池村厥考莖香公樂

古月軒文存

卷上

三

道不仕家寔甚君率二弟牽車服賈以爲孝養計經營數
十載家以小康莖香公暮年舍館弄孫無纖芥之累皆君
服勤所致也友愛諸季備極肫摯韓桐田荆門內無間書
曰令德孝恭先生有焉居恆嚴氣正性非分之干凜然不
敢犯布衣疏食處之終身恬如也其敬德之著于持身者
若此治家嚴而有恩倉廩日用井井有條一門數十指咸
歸矩矱罔敢涉于私者閨闈之內不聞啼嗃聲其義德之
著于齊家者若此念先世之潛德幽光鬱而未發也爰命
兒姪輩出就外傅力課詩書以成厥考未成之志迄今茲
歌一室庠序盈門溫文爾雅其子姓之薰德善良又若此

今先生年已古稀矣黃髮黧背猶從容杖履于枌榆桑梓之鄉性尤好形家者言布襪芒鞋閱歷殆遍務得牛眠吉壤以窀穸其先人而後安而一切富貴名利之場漠然無所繫其尤有隱德不曜之風乎餘如敦宗族恤鄉鄰善端不勝紀茲特紀其內行之純備以見先生誕膺多福者其來有自且吾聞仁者必壽而直養無害者亦爲壽之徵惟其有淡泊貞靜之概斯物欲不能奪而其體自完亦惟有精明強固之操斯思慮不能侵而其神始固先生蓋靜而直者也靜爲仁德直爲剛德夫乃嘆先生之天錫純嘏無非天鑒厥德也茲值季秋之月恭逢七袞之辰少君蘭孫古月軒文存

卷上

三

茂才徵序于予故本其德所由致聊進一言以致躋堂稱觥之意云爾是爲序

廣勸採訪故鄉殉難人民啟

故園之兵燹于今四閱春秋矣崑岡被火固玉石之俱焚
草野觀風自薰蕕之各判又况居同梓里誼親則聞見皆
真劫過桑田事久則是非已定或臨難以捐軀偷生不屑
或守貞而殞命視死如歸孝子慈孫千古之大綱不墜義
夫節婦兩間之正氣常存倘令姓氏無聞竟與草木同腐
則畢世之苦衷不白而九原之遺憾靡窮矣恭逢

聖主臨御道端更始政與維新特

命封疆大吏凡被兵州縣有捐生殉難節義可嘉者彙冊
奏

古月軒文存

卷上

五

聞錫與旌獎仰見激濁揚清挽回風教之至意舊歲閣督
曾滌翁先生已開局于皖省吾鄉由此申報者當亦不乏
第恐浪跡浮踪一時之周咨未遍窮鄉僻壤此中之遺漏
恆多茲漢上諸公又設局琴溪書院起于季夏止于仲秋
彙齊達部並函致右省廣移各鎮凡殉難人民無論宗族
親戚其見聞確鑿者急宜錄一清冊由省趕寄伏望各鄉
台從實訪緝毋濫毋遺以慰芳魂以襄 盛典庶幾馨香
不泯藉茲闡發幽潛俎豆常昭兼以扶持名教斯固足增
族姓之光亦可大振懦頑之志也已附錄原稿及條例一
紙閱之自悉其詳其有已經達皖者不消復開免致重出

泐此佈達不宣

古月軒文存

卷上

完



古月軒文存

施坦齋太守六表壽序

施翁坦齋太守予戚屬且世好也今歲孟夏值翁周甲之辰翁五福兼賅配良嗣慶於今希有朋儕欲躋堂稱觥翁固辭而誼又不容已也爰製錦屏十二俾予爲嘏辭以當南山之祝予知翁最深因卽其行誼之實而有據者略陳梗概以見吾翁獲福有由宜後嗣之方興未艾也翁爲靖海侯福建提督襄壯公後裔高祖棠村公歷官於豫章遂家焉王父佐亭公尊甫葵軒公以翁階晉膺三品封典葵軒公力學好義用勤儉起家承先世遺業而擴大之築宅於進賢門內松柏莊置田畝於灌城南鄉爲子孫久遠計

古月軒文存

卷上

三

生子二仲卽翁也翁瞻依膝下輒先意承志凡膳饘藥餌諸所需必躬親檢視不假他人手數十年如一日少習舉子業有雋才嗣以高堂年邁不敢須臾離遂屏棄弗事孝友克敦內外無間言事兄厚庵公如事親撫兄諸子如己子兄歿後益篤飲食教誨以至成立勲懇不稍懈其內行之純備如此平生無疾言遽色與人和厚有求輒竭力赴之才識練達億事如燭照數計遇盤錯處之裕如經畫悉中條理尤長於詞令當眾議盈庭紛紜轉輻翁至卽事衡理有倫有脊心平氣和聞者輒嘆服而去故聲譽日隆當道皆器重之丙辰秋江撫耆大中丞方理藩篆爲兵食支

細欲抽釐濟餉禮延翁與有成黃君雲門許君聘三虞延
兩朱君協襄局務乃集眾商喻以大義因勢利導夾旬而
葺事至今賴之他如育嬰水龍惜字諸義舉悉心籌辦咸
臻妥善甲子歲爵相曾公於籌餉案內奏請以知府用蒙
諭允在籍需次翁性最豪邁善拊戰每合座促飲任意
揮霍當之者靡不辟易翁則逸興遄飛累百觴神采益旺
雖夜闌燭灺眾賓有倦容而笑言啞啞猶聲震四壁蓋其
神清故當譁囂而不亂其氣壯故遇煩擾而不衰其體充
故歷始終而不變語曰惟酒無量詩曰飲酒溫克觀此而
吾翁葆真有素彌性爲純嘏之基卽徵於此已德配吳恭
古月軒文存

卷上

人相夫教子閨門以內雍雍肅肅然白首相莊殆亦伯鸞
孟光之亞丈夫子三長惠議敘八品銜次芬州同知季芳
候選縣丞孫男二長建勛國子監學生次建勛尙幼芬新
補廣西太平府江州司馬行有日余謂之曰待君仕宦成
琴鶴歸來值尊翁四百二十六甲子之歲將登君之堂與
尊翁銜杯暢飲乘醉揮毫再爲君紀萬石家風也翁聞之
當亦驪然而笑云

鄉賢胡惠文先生傳代

富貴福澤天之所以予人者有盡也而其遲回顧惜必擇人而予非其人不輕予者莫如名尤莫如不朽之名此不獨在一身而且被於子孫不獨在一時而且及於天下後世余於家贈君雅堂先生爲之綜核名實竊嘆彼蒼眷佑揚芳烈於無窮固非尋常福澤所可同年語也先生胡姓諱仁楷字良直雅堂其號也世居永康之溪岸自高曾以下代有積德昆第三人序居次配施太淑人子七鳳林州司馬鳳翔鳳儀俱武舉人四卽月樵觀察名鳳丹先生以鳳丹貴贈中議大夫鳳標杭協營千戎鳳岡廩貢生靳古月軒文存

卷上

三

縣訓導鳳韶邑庠生孫十四人曾孫五人先生秉性孝友孺慕終其身伯仲之間怡怡如也與人和厚絕無畛域心爲善常恐不及排難解紛人莫不服而敬之幼讀書雋異矢志攻苦經義皆有手錄屢試列前茅旋以父母春秋高不願須臾離左右因納粟爲國子生每以夙志未償恆自歎故培植士類爲尤篤道光十五年捐田百數十畝爲合邑生童各試卷費又助義塾一區曰培文書院並捐資以給膏火迨疾革猶拳拳以經費不足爲虞施太淑人暨七哲嗣鳳韶遵遺訓先後又捐田數十畝以備歎歲并及鄉會士子舟車費設章程以垂諸久遠永康與試者曩不過

七百人今遞增至千二百餘人未始非先生之振興文教
有以啟之至於周貧乏焚債券助宗帑以廣配饗代窮黎
以完積逋諸義舉不勝書故其歿也士民多感泣相與私
爲之諡曰惠文先生同治三年邑紳張化英等合詞呈諸
大吏以題請于朝得 旨迎主入祀鄉賢祠異數也先生
課子有義方平居無事輒以綱常名節相懋勉故濡染者
深一旦而遭世變遂能從容赴難棣萼爭先毅然各行其
志歲在己庚之交粵寇熾浙屬無完土鳳岡以捍衛鄉里
被執不食死鳳韶以罵賊死其子宗壽以伏父屍而死鳳
標妻盧氏以赴水死四者皆先生後也而其弟 贈武功

古月軒文存

卷上

三

將軍仁柳公之嗣死事者亦三鳳鳴以協鎮援浙眾寡不
敵死鳳雍以參戎追剿至饒中炮死鳳恩以書生起義力
戰而死卽世所傳胡氏一門七烈是也而鳳韶妻胡王氏
越兩月亦以身殉夫致命遂志自古爲難如茲之臣死忠
子死孝婦死節烈烈轟轟萃於同氣殆難之又難設非先
生昆季之教育有素烏能若是卽是而先生之家法可知
矣繼自今先生崇祀典而子姪輩亦得附祀昭忠祠春秋
俎豆明德惟馨則斯名之永垂天壤與日月而爭光豈不
盛哉豈不難哉

述曰余與先生爲同姓其先世亦徽郡人月樵觀察在京

都辦團防時相處久而相契又最深故於其家世知之甚
悉今觀察由皖寓書以傳屬余余不文何足以傳先生顧
分屬卑幼宜闡揚盛烈爰卽先生一門之扶持名教卓卓
不朽者詳著於篇以備他日國史之采嗚呼觀於此者忠
孝節義之心可勃然興矣

古月軒文存

卷上

書

李尚書之也其傳烈興矣

不材者昔嘗久識恩前日國史之采謝和謝以此書

公國史之官顧也溫斯侯曰表忠一門之扶持名教卓卓

悉不慮素由與謝書也想屬余余不文何足以興夫其

不材者昔嘗久識恩前日國史之采謝和謝以此書

樂侯公像贊并序

聞之大孝終身慕父母終身云者非終父母之身終其身也此雖聲容已渺而思其居處思其嗜好思其笑語夢寐如或遇之因不待春露秋霜而始愾乎其有聞優乎其有見也然此猶虛擬之辭髣髴焉已耳若乃摹以圖繪肖以形容俯仰瞻依如親膝下其愾聞優見之思又當何如耶我鄉臘祭時恭懸先人神像於廳事之上朝夕供奉如生存期以十日爲限不敢疏亦不敢數懼喪也歲在庚申遭粵寇室家殘燬先世圖籍漸滅殆盡今事踰八載故土稍復業而歲時伏臘徘徊堂廡之間敝廬猶是而遺掛無存

古月軒文存

卷上

七

致使後嗣子孫永遠不能識其祖宗面目端居深念隱憾無窮前歲有自故鄉來者述我分甲祖用鏗公暨祖滄淵公遺容具在繼又聞我高高祖鄉賢公及高祖宇清公卷軸皆歸然無恙爲忻幸者久之顧什一千百其隱憾仍復無窮也今秋游楚過昭湘遇族叔晚九自言其先大父樂侯公遺照從故紙堆中檢出重加潢始復舊觀出而相示並屬予題其額嗚呼兵燹銷沈以後前人手澤多蕩爲蔓草荒煙茲猶得於殘縑斷素之中獲覩吉光片羽此蓋祖功宗德其精光具有不可磨滅者故鬼神亦從而呵護之執卷徬徨曷勝寶貴晚九念旃爰卽樂侯公之平生行誼

括而爲贊詞用以誌私心景慕之意云爾其詞曰

挹公之概氣象崢嶸欽公之略才識縱橫一片靈臺厯浩劫而不壞視此丹青秉性孝友處事光明少服賈於漢陽聲華蔚起家道日見其蒸蒸推財與昆弟相共持平與人物無爭佐祠政之繁會兮義倉社學咸賴公以遞爲經營當乾隆甲辰之歲克新堂構乃肇錫以敦本之嘉名維時仲氏早逝伯氏傳經而獨力支柱公以一身董其成其懿行之卓著者稽諸家乘邑志固厯厯以堪憑然則登斯堂也如覩公岐嶷之狀覘斯像也如聞公警歎之聲吾願後嗣子孫警心觸目常拳拳以服膺庶幾撫前民之集範無古月軒文存

卷上

美

忘所自以恪守其儀型

蘭坡公擬入儒林傳稿

朱珩字玉存號蘭坡甯國府涇縣人乾隆甲寅舉人嘉慶壬戌進士歷官翰林院編修左右春坊中允洗馬侍讀充國史館纂修總纂 日講起居注官 尚書房行走丁卯山東副考官庚辰壬午會試同考官 覃恩誥授奉政大夫公性至孝自以三月而孤不獲覲親面每歲時薦奠對遺容未嘗不零涕終身然也幼承祖命爲季父崑山公後崑山公早卒嗣母汪未婚守志公事之與本生母如一瞻依膝下常恐有片念違昆弟三人篤友愛而伯兄靜軒公年最長保抱提攜恆依賴之故感念尤摯居京師每陟

古月軒文存

卷上

七

岡而望形諸詠歌兄歿不及含殮悵然以爲恨哀激之音更令人不堪卒讀嗣奉 命入直尙書房

宣廟嘗有品學兼優之諭侍 諸皇子讀勤於其職多蒙隆遇道光壬午陳情乞假 諸皇子賦詩贈別舉朝榮

之宦情本淡旣奉侍慈幃油油色養遂無出山志鄉居無事羣聚曾祖鄉賢公廳事前家人父子從容道故輒以植品節敦風教爲先尤孜孜獎誘後進入家塾朝夕講貫遠近皆至多薰德而善良見者不問而知爲朱氏弟子也江南諸大吏疊請主講鍾山正誼紫陽各書院勲勲懇懇每進諸生而面諭之其造就甚鉅壬辰會元馬學易殿元吳

鍾駿哀然首舉越九年庚子族姪榮實鄉闈亦得解時正
肄業紫陽書院故時人以三元皆出公門下稱極盛焉迄
今距公歿遠矣而士子相值語及蘭坡先生者猶感佩不
置知公之遺澤在人亦不僅爲科名也公性嚴正整襟危
坐終日無倦容處一室寂若無人焉者爲學務立品而不
矜材藝務踐實而不尚聲華務以聖賢爲法而不稍存門
戶之見其持身接物立朝居鄉一切皆有本末可按爲文
邃精經義博取前賢諸說而會通之遇忠孝廉節事尤極
力闡揚以爲斯文之感發人心者端賴此種且余舊史氏
職也平生著述甚富小萬卷齋文集二十四卷詩集四十

古月軒文存

卷上

庚

六卷久已刊行 國朝古文彙鈔二百七十二卷刊於吳
江沈氏板尙存 國朝詁經文鈔六十二卷綜集 本朝
說經之家依諸經節次逐條分繫滙成巨觀業已付梓將
竣遭亂燬惜哉今文集內有自序一篇可證又有經文廣
翼十二卷說文假借義證二十八卷俱散佚現存有文選
集釋二十四卷藏於家公卒年八十二入祀姑蘇五百名

賢祠

許雲門封翁七秩壽序

桃李豔於春而松柏之姿經三冬而益茂何者其體厚也
蟬蛻生於晝而龜鶴之數閱千歲而常存何者其氣靜也
宣聖嘗言仁者必壽而推原其故一則曰樂山山厚重不
遷者也再則曰靜靜與厚皆致壽之徵惟其厚故能載惟
其靜故有常此理之可操券致也吾驗於雲門封翁而益
信翁家世居歙西三代俱隱德不曜秉性孝友族黨無間
言少習舉子業謀洗腆遂服賈於江右才具練達而又以
勤儉起家所業益蒸蒸日上善居積雅不欲與鬪鬪爭小
利而義之所在凡有益於家國民物者慷慨從事赴之惟
古月軒文存

卷上

三

恐不及不以小有嫌怨而輒阻丙辰秋耆大方伯爲兵饑
支絀延翁等五人籌抽釐濟饑之策翁等開誠布公夾旬
而集事各項捐輸亦互相勸諭總期有濟大局而民間疾
苦備爲曲陳不徒爲挖肉補創之計餘如康濟育嬰諸堂
經畫胥類此此所以赴公家之急也而桑梓間行義亦如
之庚申粵逆犯歙宗祠燬於火翁虞祀典之闕也急與族
叔某建而新之堂構堅栗踰於昔進賢門外有遺愛堂一
所亦翁等所創始亂後已盪爲瓦礫之場翁於壬戌歲集
貲重建乃復舊觀年飢運米平糶以濟故鄉之困徽人賴
之餘孽殄於嘉應我皖民被掠者得遣歸鄉里徑過右省

千餘人翁又邀合同志俾暫寄遺愛堂計道里遠近以資
助之觀此而翁之厚德已可見其大凡矣至於薄嗜好絕
聲色晚歲家益饒而服食器用毫無奢侈習與人相處終
不逢其疾言遽色卽間有爭競者置不復校閱時仍如其
故其廉靜之操又如此今翁已年屆古稀矣神形矍鑠不
減少時蓋厚則精明強固之概雖經重大而不搖而其體
自實靜則和平恬退之資雖歷紛煩而不亂而其氣益充
壽之必得自其所性然也德配張太夫人幽閒貞靜主內
政皆井井有条閨門雍肅不聞啼嗃聲至如撫子姓待妯
娣馭臧獲寬厚有容人皆暱就舉凡翁之懿行卓卓夫人
古月軒文存

卷上

四

皆從容而默相之迄今皓首齊眉鬢顏繞膝荷龍章之
賁闕瞻象笏之盈門富貴壽考兼而有之豈無故歟茲
際蒲觴稱慶令孫藩理問子玉以鄉誼徵言于予予耳熟
能詳聊撮其大端恭紀于左以當瓠葉之獻云爾

重修合水橋碑記

西山爲省垣右障其間萬壑爭流條分派衍莫可殫述而西峯雲洞之旁一水蜿蜒穿林越谷而來迤邐東注至熊氏村居之下安新二邑交界處則古有合水橋按禹貢導洛節蔡傳云小水合大水謂之入大水合小水謂之過二水勢均相入謂之會會亦合也此水發源有二其北出自稍嶺之麓其西南出自許母墳之洗藥池源分流合併而爲一當蒙泉始出勢亦不過濫觴耳未幾而銅源會之未幾而吳源會之未幾而霞源又會之其滙益眾其流乃益盛兼以春夏之交風雨驟至山溪暴漲兩涘渚涯之間奔濤澎湃碣揭俱窮過者輒望洋而嘆此合水橋所由設也橋建始於明永樂二年代有補葺歷久幸未壞至

古月軒文存

卷上

四

本朝同治二年癸亥夏爲蛟水所衝擊毀敗田廬畜產災及數十里橋址遂蕩然無存此道爲西山至省之通衢由安邑萬家埠經斯橋而踰梅仙嶺以達於沙井輪蹄絡繹行旅如織橋廢而人皆病涉矣吳郡李君濼僑寓於斯見之心測爰邀集本地紳耆熊煥文等矢志重修乃繪圖具牒以請於當事時沈中丞幼丹先生利濟爲懷忻然許可首捐金以爲倡各憲續有增益合以士民所捐共計若干乃鳩工採石眾力齊舉司事者悉自備貲斧勞瘁不辭無

如兵燹之餘仍以歉歲繼者頗希遂漸形不足李君旋於
乙丑冬冒雪至吳城極力敦勸又得若干金庶幾可以集
事矣越明年李君病故其二子漢生臯臣復繼起而襄厥
役將歲工貲猶虧缺適軍門孫公昌國督師河內嘉其志
爲籌措而成之是役也創造於甲子六月告竣於丙寅九
月共費白金千餘兩制增高廣並建石楯以爲護又於橋
側置茶亭一所工程堅實視舊有加焉吾願後之君子念
前事之可師知成功之不易隨時整飭無復使有傾頽則
地慶安瀾航稱普渡垂之久遠永永無窮豈不懿哉其樂
輸姓氏以次刊勒於石用誌不忘云爾

古月軒文存

卷上

望

樂侯公傳

丁卯秋余客游楚南遇族叔晚九於昭湘奉其先大父遺像告余曰是吉光片羽者兵燹灰燼之餘也失而復得缺而復完其中具有天幸乞誌歲月以備不忘余因題贊詞於其額而歸之晚九又言先大父昆季三人名德達材一時稱競爽道光乙酉成叔公支譜成時伯父汝霖公早卒仲叔父相繼逝蘭年穉侍父賈於外故二伯祖俱有傳而大父獨無有蘭懼先世之美之久而益湮也乞更立傳以垂示將來余敬諾焉而未遑歸爲搜羅家牒參稽邑乘乃嘆晚九之言爲信而有徵感其意不敢以卑幼辭謹次公

古月軒文存

卷上

星

之平生行誼以著爲傳曰公諱廷愜字樂侯國學生涇川張香都人父輯五公懿行載縣志生三子長聖先公次漢侯公公其季子也性孝友長爲滄隨計服賈漢陽才識超邁善居積家道隆然起橐無私財與伯仲均之視諸子如己子能讀者獎勵尤篤別爲營膏火貲俾無紛其志故子弟倍奮發刻意詩書科名日以盛居恆慷慨急公有義舉輒樂輸無吝色我族用鏗公支祠當乾隆中葉凡義倉社學賓興文會諸務迭興公項輒畀公等爲之經理常獲倍稱之息故措置裕如族中賴焉世居謝塘戶口繁隘不能容輯五公晚歲游楚蜀還遷居於師險村卽欲建廳事以

奉烝嘗而遠歸道山逮歲甲辰公乃與伯兄謀竭力經營
以竟先人之志時伯兄課讀於新園又佐祠政恆不獲暇
仲兄先六年而逝公以一身獨任之酷寒暑不敢辭勞瘁
兩閱歲而葺工堂構聿新規模大備卽今所稱敦本堂是
也堂成六年而公卒年僅四十有七夫人門氏善治家內
外秩然側室王氏守志三十六年蒙旌子五長汝霖邑
庠生次鈞次鑑次鉅俱正出五子銘側出銘子蘭卽晚九
也亦國學生

述曰余案支譜輯五公享年七十有七而聖先公亦七十
有九父兄俱獲大耋而公僅下壽豈非天哉夫以公之德

古月軒文存

卷上

器

性純粹才幹優長其見諸行事者固已彰彰如是設天假
之年涵養而擴充之其成就殆未可量而竟止於是有心
者多爲嘆惜然卽此行事數大端已可見其純粹之德幹
濟之才早有卓越尋常者矣詩曰無念爾祖聿脩厥德晚
九念之哉

事堂憲公年而及卒年壽四十八歲公夫人門氏善治家

兩閱歲而葺工堂構聿新規模大備卽今所稱敦本堂是

也堂成六年而公卒年僅四十有七夫人門氏善治家內

外秩然側室王氏守志三十六年蒙旌子五長汝霖邑

庠生次鈞次鑑次鉅俱正出五子銘側出銘子蘭卽晚九

六舟辜先生傳

先生辜姓諱兆磨字瑞圖六舟其號南昌縣人曾祖以上皆隱德弗耀考儁游公以曾孫繼昌階 誥贈通奉大夫始娶熊繼娶雷俱 贈夫人先生雷太夫人所出也生而嶄然露頭角歲未週儁游公病瘵卒太夫人茹檠撫孤俾至成立延師課之讀先生朝入塾夕歸寢太夫人必嚴稽所業不稍假故學日以進屢不獲志于有司爲菽水計遂游幕滇南時大學士長白伊公里布守大理聘勸幕務甚相得嗣因川楚捐輸援例議敘未入流分發浙省上游多器重委任之甲戌三月丁太夫人憂回籍營葬服闋仍歸浙

古月軒文存

卷上

巽

自時厥後供職二十餘年其間署巡檢者一浦門理稅課

者二臨平城南充巡捕者三督撫學使任典史者六富陽浦江定海麗水臨安遂安

所在稱職當代鉅卿如撫軍董教增督學王鼎兩文恪公泣

浙日咸刮目相待有枳棘鸞鳳之喻竊嘗綜覈其仕績最

卓著者有四性明決善于治獄在府讞局審結積案甚夥

人有餽苞苴以求直者嚴卻之卒治如律人服其清初臨

浦江有訟李某私買捕署官地者先生廉得其情前任且

獲罪急搜已橐代贖還以息訟端李亦繳券不受銀而退

人懷其惠尤善治盜爲杭嘉湖總巡時緝獲積匪沈起沅

等六十餘人功最偉又拏獲白糧幫滋事船丁十數名浦

邑多盜窩在軍流先生密訪嚴究而盜源以塞在蒲門司
任于金鄉衛海口立門牌挨查以絕外來姦宄而私漏出
洋有關 國課者尤加意人畏其威既補遂安兢兢以風
化爲先因五獅書院廢址白令而修復之多士蒙庇人率
其教戊子邑遭水旱兩災委辦賑卹莫或遑處者數十晝
夜設粥平糶民困以蘇秋大疫復施藥以濟病者全活甚
眾人感其恩其興學校拯羸阨又歷厯如是嗚呼居今而
言吏治如先生者詎可多覲哉先生任浦邑五月而代去
之日民咸戀戀不舍紳士繪浦泅攀轅圖并詩以獻治遂
最久前後共七載尋以他累棄官非其罪士民惜之迨就

古月軒文存

卷上

吳

養山左還重經故地紳耆踵門留款者篇章惠贈積滿行
囊自壬辰解職四稔于茲而彼都人士眷念猶昔則先生
之施于其邑者可知已至于鄉居後理祠政增祭田聯文
社築牙隄懿行不勝書書其大者優游林下十八載至咸
豐乙卯上巳沐浴更衣無疾而逝饗年八十二著有誦芬
書屋詩集子鵬從九品厯署山左平原觀城等處縣佐早
卒長孫繼昌幫辦江軍積功至知府 加道銜 賞戴花
翎 給予三代二品封典餘孫及曾孫輩亦多入黌門列
仕版有蒸蒸日上之勢積善餘慶其食報知未有艾也已
論曰漢初取士猶本成周鄉舉里選之遺意當其時孝弟

賢良茂才異等諸科得人最盛不論資格不拘流品丞尉
佐貳有游擢至公卿之列者其功業皆爛然可攷後世捐
納盛而仕途雜以貲財進稍得藉手卽欲倍稱而償之簿
書錢穀之中有市道焉而于國計民生概置不問似與已
無與焉者吁何其陋也先生始終不過一縣尉耳潔已奉
公隨在皆能自效絕不以末秩爲嫌如讞獄緝盜脩學掾
荒諸善政必力致其心所欲爲與職所當盡而後安氣象
規模已翹然不同于俗吏至其風流儒雅所至樂與賢士
大夫游此唱彼和酬對雍容則浸潤于詩書之澤以涵養
其德性者由來已久語曰君子學道則愛人豈不信哉

古月軒文存

卷上

望

古月軒文存卷上

